



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

CCXX. Kurfürst Johann George fordert den Landvogt der Uckermark auf, bei der Erwidern eines Pommerschen Einfalles in die Uckermark dem Herrenmeister des Johanniter-Ordens Beistand zu leisten, am 21. ...

---

---

**Nutzungsbedingungen**

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

CCXX. Kurfürst Johann George fordert den Landvogt der Ufermark auf, bei der Erwidern eines Pommerschen Einfalles in die Ufermark dem Herrenmeister des Johanniter-Ordens Beistand zu leisten, am 21. October 1586.

Johans George, von Gottes Gnaden Marggraf zu Brandenburg vnd Churfürst etc. Vnserm Gruz zuuor, Rath vnd lieber Getreuer! Wir geben dir zu erkennen, daz kurz vorrückter Zeit durch die Pommern, in zwehundert Mann starck, aus der Stadt Gartz in das Dorff Hohen Selchow, so der Her-Meister von Vns zu Lehn träget, obwohl etliche Punckt mit den Capitularn S. Marien-Kirchen zu Stettin irrigk, derer Auftrag doch auf ein Compromiss vnd noch vnerörterten Rechten stehet, eingefallen, vnd die Einwohner, so viel derer antroffen, gefänglich angenommen vnd nach Gartz weggeführt worden. Nun haben Wir ditzfals an den Hertzogen gelangt, daz S. L. die vnuorzügliche ernstliche Bestrafung thun wolten, daz die weggeführte vnd gefangene Leute der gefenglichen Haft erlassen, ohne allen Entgelt wiederum auf freyen Fuß gestalt werden, vnd ihnen vor zugesüegten Schaden billicher Wandel vnd Abtrag geschehen möchte. Dieweil Vns aber solche thedliche vnd zunötliche Begünstigung vnd Landfriedbrüchiger Einfall in Vnser Lehen keinesweges leidlich; Als haben Wir Vns gegen den Meister durch seinen bey Vns ditzfals gehalten Abgesandten erkleret, daz er, do solches nicht balde erfolgete oder die Antwort, wie Wir Vns besorgen, verzogen würde, acht auf Gelegenheit haben vnd das Kegenpiel für die Hand nehmen solle, darauf ist Vnser Bevelich, du wollest den Meister auf sein Ansuchen stercken, doch in Acht haben, daz nicht etwa Schimpf eingelegt werde. Daran beschicht Vnser Will vnd Meynung. Seind dir mit Gnaden geneigt. Datum Cölln an der Sprew, den 21. Octobris, Anno etc. 86.

Manu propria.

Vnserm Land-Voigt der Vekermarck, Rathe vnd lieben  
getrewen Bernd von Arnim zu Boitzenburg.

Aus Grundmann's Uferm. Adelshist. 139.

CCXXI. Kurfürst Johann George bestätigt der Stadt Schwedt ihre alten Privilegien, Rechte und Besizungen und erweitert ihre Marktgerichtsbarkeit, am 12. Juni 1587.

Wir Johans George, Von Gottes gnaden Marggraf Zue Brandenburgk, des heiligen Römischen Reichs Ertz-Cämmerer vnd Churfurst in Preullen, Zue Stettin, Pommern, der Cassuben, Wenden vnd in Schlesien Zue Crossen hertzogk, Burggraff Zue Nürnbergk vnd furst Zue Rügen, Bekennen vnd thun kundt mit diesem vnserm Offen brieffe vor vns, vnser Erben vnd nachkommende Marggraffen vnd Churfürsten Zue Brandenburgk vnd sonst Jedermännlichen, die Ihn sehen, hören oder lesen, das der Wolwürdige Wolgeborne vnser Rath vnd lieber getrewer Martin, Graff von hohnstein, her Zue Schwedt vnd Vierraden, Itziger Zeit des Ritterlich S. Johannis Ordens in der Marcke, Sachsen, Pommern vndt Wendtlandt Meister, vor vns kommen vnd erschienen ist vnd vns vnterthenigk gezeiget zwene vnterschiedtliche Confirmationen vnd begnedigungs